

EDISANA NDISANA EBIE: UDUOK-MMQÑ EDISANA SPIRIT

Exodus 26:31-35; 37:1-9; 40:20, 21, 34-38; Leviticus 16:2; Utom Mme Apostle 2:14; Mme Hebrew 9:6-8; 10:19-22

QYQH QKPEP-ÑKPQ 74

Eke Mkparawa

IKO IBUOT: “Nyenya mbeñe Ete, ndien Enye eyenọ mbufo Iberedem efen, man Enye edidu ye mbufo ke nsinsi” (John 14:16).

Ebe Ke Edisana Ebiet

Nnyin ikpepeke ñkpọ kaña ibaña ebiet ke Ataya emi ekerede Edisana Ndisana, me, Ata Edisana Ebiet. Ebiet emi ekedi ikpat efut ke unioñ ye ubom, idaha esie onyuañ edi ikpat efut ñko, ikpehe ndodobi linen emi edide awawa, ye ididuot, ye purple, ye gold abahare enye ye Edisana Ebiet. Nnyin inyene nditim mfiok nte ke baba usua ikoduhe isim ebiet emi ke ebede enye emi asañade ebe ke Edisana Ebiet. Baba owo kiet ikenyeneke unen ndiduk ebiet emi ke ebede akwa oku, ndien ana edi ini kiet ke isua, ke Usen Usio-isop. Nnyin imfiok ite enye akana anam idemesie asana ye iyip mbemiso enye ekeme ndiduk ke Edisana Ebiet; ndien ke Usen Usio-isop, enye esine saña-saña qfọñ linen man otim owut ete ke mmọ esana, mbemiso enye oduk Ata Edisana Ebiet.

Baba ñkpọ kiet ikoduhe ke ebiet emi ke ebede Ekebe Ediomu emi itiat-ñwed ye Mbet Duop ekesinde ke esit, emi ekedide ñwọrọ-nda uduak Abasi. Ekebe Ediomu ekedi mbiet ekebe eto emi edade gold efuk edem ye esit esie. Okukip esie ekedi oşoñ-idem gold, ndien ekenyuañ ekot enye ñkpọ-itie mbom. Ema edori mme cherubim emi ekedade ata eti gold enam ke ibuot ñkpọ-itie mbom, mbiba, mmọ esak iso ese kiet eken enyuañ enuhọ ese ñkpọ-itie mbom. Mi ke obubit enyọñ, ke ufot mme cherubim oro, Abasi owut idiño ete, imodu (Psalm 80:1; 99:1).

Uñwana ikañ ikoduhe ke Ata Edisana Ebiet. Edi nte mmọ ema eyom uñwana ikañ ke ini Abasi okodude do? Ke Eriyarare, nnyin imokot ibaña Obufa Jerusalem: “Obio inyuañ iyomke utin ye ofiño ndiyama nno enye; koro uboñ Abasi anamde enye añaña, Eyen-erọñ onyuañ edide utuenikañ esie” (Eriyarare 21:23).

Usen Usio-isop

Ke Usen Usio-Isop, ke ini akwa oku ama okoduk ke Edisana Ndisana Ebiet, enye ekenyene ndisaña ye ubak iyip emi otode uwa usio-isop idiok-ñkpọ (emi ekeduokde ubak ke itie-uwa okpoho) ye ubak ikañ ye incense emi otode itie-uwa okpoho. Enye onuhọ man ebe ke idak ikpehe ke uteñe ye ndik oduk ke iso Abasi. Nsuañ-ikañ incense emi odokde kpukpru ini nte akam ye itoro, ekedi ukpeme onọ enye ke iso Abasi emi odotde ukpono: “Ndien enye odori incense ke ikañ ke iso Jehovah, ndien nsuañ-ikañ incense oro eyefuk itie-usio-isop emi odorode ke enyọñ ñkpọ-ntiense, man enye okukpa mkpa” (Leviticus 16:13).

Nnyin imokut ite ke ana idi edisana, inam idem nnyin asana, Iyip odu ke esit nnyin, mbemiso nnyin iduk ke Edisana Ebiet. Mme akam nnyin ke edok kpukpru ini ke itoro ye ata nyak-idem nte incense asakde ke itie-uwa. Nnyin ke ikaka iso ndikpe ubok man Iyip ofuk uwem nnyin onyuañ anam nnyin ika iso isana. Edi mme ñkpọ ke ososuhọ onọ nnyin.

Odudu Ke Ukperedem Ini

Akwa oku ekesiduk Ata Edisana Ebiet ini kiet ke isua, edi akana enye otọñ ntak qwọrọ koro “iyarakere kaña usua eke adade owo oduk ke Edisana Ebiet, adaña ini nte akpa ataya osuk odude.” (Mme Hebrew 9:8). Edisana Spirit ama esisuhore odoro ndisana owo ke idak Ibet, ndiyet mmọ aran nno saña-saña utom, edi emi akada itie ke ekpri ini. Edisana Spirit eke ofuri obukidem emi edidade odudu utom edi akana onọ mme ukperedem usen emi Joel eketiñde: “Ndien ama ekem ke ini ñkpọ emi ebede, nyeñaña Spirit mi nno ofuri obukidem” (Joel 2:28). Peter ama oşoñ ntiñ-nnim ikọ emi ke usen Pentecost ke ini enye okodohode mbon owo ete “Edi emi edi se prophet Joel eketiñde” (Utom Mme Apostle 2:16). Spirit ama edidoro kpukpru owo emi ekedude ke ubet enyọñ, emi ekebohode ke esit kiet ebet eñwọñ Iberedem ndien mmọ esem mme usem eñwen nte ntiense ete ke mmọ ebọ uduok-mmọñ Edisana Spirit. Emi ekedi ata ñkpọ mkpa-idem onọ mmọ emi ekekopde mmọ, edi, Peter anam mmọ efiok ete ke edi ntiñ-nnim ikọ osu, odudu utom edi etiene eren ye ñwan, ñkani owo ye mkparawa, Jew ye mme Idut, “kpukpru owo eke esemedede ekot enyiñ Jehovah.”

Ikpehe Asiaha

Ñkpọ ama otibe ke ufot ini emi akwa oku ekesidukde Ata Edisana Ebiet ini kiet ke isua, ye Usen Pentecost ke ini Edisana Spirit okosuhorede odoro mme owo ke ubet enyọñ. Ke Nditọ Israel ema ekeduñ ke Isoñ Eñwọñ, ema ebọp Itie-ukpono Abasi ukem-ukem nte Ataya, emi ekenyenede Edisana Ebiet ye Ata Edisana Ebiet. Do ke Ekebe Ediomu Abasi okodu ke edem ikpehe ye ukem uteñe emi enye ekesinde ke Ataya oro. Mme oku ema eka iso ke ukem-ukem edinam emi mmọ ekesinamde ke akwa akai-ikot.

Ndien Jesus ama edi edinam Ibet ọyọhọ. Ufọn ikoduhe aba ndida nditọ-erọn nnam uwa koro Jesus ekedi Eyen-erọn Abasi; ufọn ikoduhe ndikama ebot-ikpat ke Usen Usio-isop, koro Jesus ama ada ke itie esie ọnọ nnyin. Jesus ama akpa ke edem inua-otop obio, man anam ikọt Esie esana ke Iyip Esiemọ, ke ntre, ufọn ikoduhe ndinam uwa idiọk-ido. Ndien ke ukem-ukem ini emi Enye akakpade ke krọs, ndodobi ikpehe emi ekedade uruk emi ekedide ididuot, ye awawa, ye purple, ye gold enam, ama asiaha tọnọ ke enyọn tutu osim isọn, eberede usuñ Ata Edisana Ebiet emi Iso Abasi okodude. Paul etiñ ọnọ nnyin ete ke ikpehe emi akada ọnọ obukidem Jesus, ndien ke ini ikpọhidem akadade unan ke ntak nnyin, nnyin ikeme ndiduk ke obufa ye odu-uwem usuñ eke okponde akan enye emi nditọ Abasi ke Akani Ediomini ekefiọkde.

Emana Eke Ọfọnde Akan

Akwa Oku ekesida iyip uwa idiọk-ido oduk ke Ata Edisana Ebiet ye ndik; edi idahaemi, nnyin imekeme ndida Iyip Jesus emi anyañade onyũn eyetde nnyin isaña iduk ke Ata Edisana Ebiet ye uko (Mme Hebrew 10:19, 20). Ke ofuri ñwed Mme Hebrew, Paul etiñ ọnọ nnyin ete ke obufa emana ọfọn akan akani. Ataya oro ekedi uwut-ńkpọ usuñ erifak owo emi Abasi okonimde, ndien Jesus ekedi ndinam enye ọyọhọ. Mfin emi, nnyin imenyene idaha oku eke ọfọnde akan (Mme Hebrew 7:20-28), ye ediomini eke ọfọnde akan (Mme Hebrew 8:6) ye uwa eke ọfọnde akan eke mme ufene (Mme Hebrew 9:23).

Enyene Kpukpru Owo

Nditọ Israel ekedi ndimek ikọt Abasi ndien ema eyak Ibet Abasi esin mmọ ke ubọk. Ikọ Esie ekebe ke mmọ osim ofuri ererimbot. Edi ke ini Jesus, ke mkpa Esie, ekeberede usuñ Ata Edisana Ebiet, kpukpru owo enyene unen ndiduk nsim ọyọhọ erinyaña. (Uduọk-mmọn Edisana Spirit, erifen ye edinam-asana edu ke ọyọhọ erinyaña emi). “Kpukpru obukidem,” emi Joel ye Peter eketiñde ebaña, enyene unen idahaemi ndidi nnyũn nnyene edisana ebuana ye Abasi, nnyũn nnyene Abasi ke uwem mmọ kpukpru usen.

Ke ini Jesus ọkọdọhọde mbet Esie Etie-suñ, Enye ama ọñwọnọ ndinọ mmọ Iberedem, oro edi, Edisana Spirit. Ọbọn ama ọdọhọ ete ke Edisana Spirit ke ododu ye mmọ ke ini oro, edi ke Imọ ima inyọn, Edisana Spirit eyesuhọre etiene mmọ onyũn ediduñ mmọ ke esit (John 14:17). Nnyin imọfiọk ite ke ikọnọhọ mbet uduọk-mmọn Edisana Spirit mbemiso Jesus akpa, koro Enye ama ọdọhọ ete, “erinyọn Mi eyefọn ye mbufo: koro edieke mmenyọnke, Iberedem iditieneke mbufo; edi mma nnyọn, nyedọn Enye etiene mbufo” (John 16:7). Nko, ke abaña Iberedem, Enye etiñ ete: “Edi ke adañaemi Enye oro edidide, kpa Spirit akpanikọ, Enye eyeda mbufo oduk ke ofuri akpanikọ” (John 16:13).

Owo eke esit esie asanade akpakam ọbọn akam eti-eti man ọbọ Edisana Spirit emi ediduñde enye ke esit onyũn anamde enye ayama ke ererimbot emi, onyũn ọnode enye odudu ndinam eti utom Esie.

MME MBUME

1. Ke mmọn ke Ata Edisana Ebiet okodu?
2. Didie ke owo ekekeme ndiduk? (Anie, ini ewe, ye ke nso utọ usuñ)?
3. Nso ikotibe ye ikpehe oro ke ini Jesus akakpade? Nso ke oro anam ọnọ nnyin?
4. Ini ewe ke uduọk-mmọn Edisana Spirit ọkọtọnọ?
5. Nso idi ntak emi anade ibọ uduọk-mmọn Edisana Spirit? Anie odot ndibọ?